

## AUGLÝSING

### um umferð í Seltjarnarneshreppi.

Að fengnum tillögum hreppsnefndar Seltjarnarneshrepps og samkvæmt heimild í 65. gr. umferðarlaga nr. 40/1968 eru hér með settar eftirfarandi reglur um umferð í Seltjarnarneshreppi í Kjósarsýslu:

1. Um Nesveg er einstefnuakstur til austurs frá Barðaströnd að Skólabraut.
2. Bifreiðastöður eru bannaðar á Nesvegi gegnt verzl. Vegamótum.
3. Bifreiðastöður eru bannaðar á A-götu milli Skólabrautar og Melabrautar.

Þetta tilkynnist hér með öllum, sem hlut eiga að máli.

*Sýslumaðurinn í Gullbringu- og Kjósarsýslu, 1. júní 1971.*

**Einar Ingimundarson.**

7. júní 1971.

Nr. 98.

## AUGLÝSING

### um takmarkað leyfi til dragnótaveiða sumarið 1971.

Samkvæmt 1. gr. laga nr. 40 9. júní 1960, um takmarkað leyfi til dragnótaveiða í fiskveiðilandhelgi Íslands undir vísindalegu eftirliti, getur ráðherra, samkvæmt tillögum Hafrannsóknastofnunarinnar og Fiskifélags Íslands, ákveðið fyrir eitt ár í senn, að dragnótaveiði sé heimil á tilteknu svæði eða svæðum á tímabilinu 15. júní til 31. október eða skemmri tíma, eftir því sem nánar er ákveðið.

Þó segir í 1. gr. laga nr. 50 16. apríl 1971, að sé leyfi veitt til dragnótaveiða fyrir Norðurlandi á tilteknu svæði eða svæðum, skuli leyfisveiting, þrátt fyrir ákvæði áðurgreindra laga, við það miðuð, að veiðin sé heimil á tímabilinu 15. júlí til 30. nóvember eða skemmri tíma. Þá segir enn fremur í 1. gr. laga nr. 50/1971, að bönnuð sé öll veiði með dragnót, flotvörpu eða botnvörpu í Faxaflóa frá punkti 6 sjómilur í vestur frá Garðskaga og þaðan beint í Malarrif.

Fiskifélag Íslands hefur leitað álits sveitarstjórna og annarra aðila, sem hagsmuna hafa að gæta í þessu efni.

Í samræmi við ákvæði téðra laga og athuganir Fiskifélags Íslands hefur sjávarútvegsráðuneytið ákveðið, að leyfi til dragnótaveiða skuli veitt frá og með 15. þessa mánaðar á eftirgreindum svæðum:

I. Milli línu réttvísandi austur úr Álftavíkurfjalli (Álftavíkurtanga) að línu réttvísandi austur úr Gvendarnesi, sunnan Fáskrúðsfjarðar. Þó skulu veiðar óheimilar í Seyðisfirði og Loðmundarfirði innan línu úr Álftavíkurtanga í Dalatanga og þaðan fyrir mynni Mjóafjarðar í Flesjatanga og fyrir mynni Norðfjarðarflóa í Barðsneshorn. Þá eru dragnótaveiðar óheimilar á Sandvík og á Vaðlavík innan línu frá Barðsneshorni í Gerpi og þaðan í Krossanestanga. Einnig eru dragnótaveiðar óheimilar í Reyðarfirði innan línu úr Krossanestanga norðan fjarðarins í Vattarnestanga sunnan fjarðarins. Þá eru dragnótaveiðar og óheimilar í Fáskrúðsfirði innan línu úr Hafnarnesi að norðan í Hafnarnesvita að sunnan.

II. Frá línu réttvísandi vestur frá Malarrifi á Snæfellsnesi að línu réttvísandi norður úr Hornbjargi.

Á Vestfjörðum er dragnótaveiði óheimil innfjarða innan lína, sem hér segir:

1. Úr Ólafsvita um Tálkna, þvert fyrir Patreksfjörð og Tálknafjörð.
2. Milli Svarthamra að sunnan og Tjaldaness að norðan í Arnarfirði.
3. Milli Svalvogarvita að sunnan og Fjallskagavita að norðan í Dýrafirði.
4. Milli Mosdals að sunnan og Arnarness að norðan í Önundarfirði.
5. Milli Keravíkur að sunnan og Galtarbæjar að norðan í Súgandafirði.
6. Milli Galtarvita að sunnan og Rits að norðan.

Bátum innan lögmætra stærðarmarka, sem skráðir eru og gerðir hafa verið út frá verstöðvum á framangreindum svæðum, verður veitt leyfi til að veiða hvar sem er á svæðunum.

III. Enn fremur hefur sjávarútvegsráðuneytið ákveðið að bátum innan lögmætra stærðartakmarka, sem skráðir eru og gerðir hafa verið út frá verstöðvum á Norðurlandi, verði veitt leyfi til dragnótaveiða frá 15. júlí til 30. nóvember n. k. á svæði frá línu, réttvísandi norður úr Hornbjargi austur um að línu, réttvísandi norðaustur úr Font á Langanesi.

Þó skulu veiðar óheimilar á eftirgreindum svæðum:

1. Innan línu, utan Ingólfsfjarðar og Ófeigsfjarðar, frá Veturmýrarnesi í Selsker og þaðan í Drangatanga.
2. Innanverðum Hrutafirði innan línu frá Prestbakkaey, þvert yfir fjörðinn að Mýrarnesi.
3. Innanverðum Miðfirði innan línu úr Stapa utan Hvammstanga í vestur þvert yfir fjörðinn.
4. Í Skagafirði innan línu úr Hegranestá í Fagranes á Reykjaströnd.
5. Í Skagafirði innan línu frá Hellnanesi á Þórðarhöfða í Kringlu í Málmei og úr norðurenda Málmei úr Stapa á Hrollaugshöfða.
6. Í Haganesvík innan línu úr Músarnesi vestan Haganesvíkur fyrir víkina í Olnboga austan Haganesvíkur.
7. Í Siglufirði innan línu frá Landsenda vestan Siglufjarðar fyrir fjörðinn í Siglunesvita.
8. Í Eyjafirði innan línu frá nyrzta odda Hálshöfða, vestan fjarðarins, þvert yfir um syðsta odda Hriseyjar beina stefnu yfir í Svinárnes.
9. Í Eyjafirði innan línu 1 sjómílu réttvísandi austur úr Fossdalsvita í línu 1 sjómílu réttvísandi austur úr Múlatöng.
10. Á 3ja mílna belti kringum Grímsey miðað við strandlengju eyjarinnar.
11. Á tímabilinu 15. júlí til 15. ágúst innan línu úr Brikurskeri við vestanverðan Skjálfaflóa um Lundey í Héðinshöfða við austanverðan flóann.  
Á tímabilinu 16. ágúst til 30. nóvember n. k. eru dragnótaveiðar óheimilar á innanverðum Skjálfaflóa innan línu úr innra horni Skálavíkur við vestanverðan flóann um Lundey í Héðinshöfða við austanverðan flóann.
12. Á tímabilinu 15. júlí til 31. ágúst n. k. á innanverðum Axarfirði innan línu úr Gerðibrekkuhaus að vestan í Grímshafnartanga að austan.
13. Á tímabilinu 1. september til 30. nóvember n. k. á innanverðum Axarfirði innan línu úr ós Naustár að sunnan í Grímshafnartanga að norðan.
14. Í Axarfirði innan línu, sem hugsast dregin úr Leirhafnartanga að sunnan í Grjótnes að norðan.
15. Á svæði innan línu frá Ásmundarstaðarey norðan Raufarhafnar í Melrakknes.
16. Í Distilfirði á tímabilinu 15. júlí til 15. ágúst innan línu úr Grenjanesi í Rauðanestá og á tímabilinu 16. ágúst til 30. nóvember innan línu úr Hleinartanga í Laxártanga vestan fjarðarins.

Bátum, sem skráðir eru og gerðir hafa verið út frá verstöðvum á hinum leyfðu veiðisvæðum fyrir Norðurlandi, verður einum veitt leyfi til að veiða á þeim svæðum,

en hins vegar verða þeim ekki leyfðar dragnótaveiðar annars staðar innan fiskveiðilandhelginnar:

Samkvæmt 3. gr. laga nr. 21 10. maí 1969, um breyting á lögum nr. 62 18. maí 1967, um bann gegn veiðum með botnvörpu og flotvörpu, taka heimildir þær, sem veittar eru í þeim lögum til veiða með botnvörpu og flotvörpu, og til dragnótaveiða.

*Sjávarútvegsráðuneytið, 7. júní 1971.*

**Eggert G. Þorsteinsson.**

*Jón L. Arnalds.*

Nr. 99.

## REIKNINGUR

**Minningarsjóðs Gerðu Claessens fyrir árið 1970.**

### Rekstrarreikningur.

#### Tekjur:

Vextir .....	kr. 12 027.50
	<hr/>
	Kr. 12 027.50

#### Gjöld:

Dóknun sjóðsstjórnar .....	kr. 613.50
Kostnaður .....	— 1 800.00
Greitt skv. erfðaskrá .....	— 7 691.00
Lagt við höfuðstól .....	— 1 923.00
	<hr/>
	Kr. 12 027.50

### Efnahagsreikningur.

#### Eignir:

Skuldabréf B.S.S.R. ....	kr. 40 000.00
— sama v/ág. ....	— 8 000.00
— Bsvf. prentara .....	— 40 000.00
— Bsvf. Rv. ....	— 30 000.00
Spariskirteini ríkissjóðs .....	— 44 000.00
Í spar. nr. 24342 .....	— 18 114.10
	<hr/>

Kr. 180 114.10

#### Skuldir:

Skuldlaus eign .....	kr. 180 114.10
	<hr/>
	Kr. 180 114.10

Reykjavík, 10. janúar 1971.

**Jón Sigurðsson, gjaldkeri.**